

義烏縣志

卷二十九

義烏縣志卷十九

塚墓

武王封比干之墓漢帝下仲舒之陵稽諸先賢名臣  
墳墓樵牧有禁非僅登壠而生哀也卽如義邑秦樹  
啼鶻不聞而烏泥口血猶在滇雲化碧不返而鐵膽  
忠魂已招他若楓塘指穴靈隱之跡自傳京峴成邱  
滿心之響弗絕誰謂徐南州劉屯田之不當植封表  
而立門牆邪志邱墓

秦

顏孝子烏墓

縣東北四里在崇德鄉崇德里方廣四十五步高一丈五其西三步孝子父墓也宋大

觀四年知縣徐秉哲建亭其側後燬於寇歲久莫知  
墓所向紹興十五年知縣黃袁因禱雨感格命陰陽  
家正定立石表之乾道二年知縣林元仲返民所侵  
地修其塋域未幾仍為墓鄰跨占淳祐元年邑人兵  
部郎官康植言於有司地乃復歸既表以刻辭端明  
殿學士大中大夫蔡書樞密院事魏了翁又為篆題  
表之曰秦顏氏烏傷墓直徽猷閣權發遣兩浙路計  
度轉運使魏陵立石邑人何恪碑記永嘉林侯元  
仲宰義烏下車未遑他事首訪顏子之墓曰邑由  
孝子名長吏宜致敬焉即束帶趨駕出邑之東四里  
展拜墓下禮容甚肅見二冢壘然蔽叢棘中狐兔交  
跡樵牧不禁侯愀然易色曰何以底民孝哉越明年  
政成將去又部刺史列其治狀上於朝侯於是證圖  
牒盡反民所侵塋地繚以崇墉具石壯其址甃覆其  
上嚴扃鑰以限薪樵畜蹂蒔松檟數十百株表顏孝  
子墓四大字于道周使過者必式之庀工於乾道丙  
戌秋七月旦閱月而就迺二千里走書禾川諗予曰  
子枌榆也為我碑冢上庶俾後人明吾心無替封植  
則顏氏墟墓永有托且以善百里俗予觀漢承秦風  
俗大壞之後未易遽還於古自嬴政徂祖昭以子遷

廢其母家習於見聞不爲異卒身受其報死巡幸胡  
亥兄弟起相屠至於鮑魚雜腐齒載輶涼遺臭億齡  
劉季固英主忍出分羹語呂后失母道不衰其子逮  
太宗時號爲黎民醇厚訊賈生言則德色借鉏諄語  
取帚其遺風故在也孝子以匹夫有至性獨不移于  
習俗親墓自負其土感烏嘸泥來助吻爲之傷因名  
縣曰烏傷其後改曰烏孝或曰義烏皆必本於孝子  
故邑眎他縣曾無一姦民諱亂萑蒲繫孝子立其間  
也且自古至富貴人邱壠雖固南山徹九泉亡不破  
者而孝子阡由漢迄今數千百年巋然獨存惟令君  
又從而旌護之則聞其風者孰不知勸哉侯忠孝人  
也御太夫人官吾邑其政嚴而不殘者時出於黎平  
反之一笑也旣帥以身又厲之以孝子類非俗吏之  
所能爲也予旣爲記其實又繫之以辭曰由漢迄今  
餘千春錮銅斲漆知幾墳陵谷變遷不可尋顏氏有  
阡巋然存孝肉順骨世所尊馬鬣蓬穎幾何分烏兮  
無知猶能馴豈有襟裾忘其親因以名縣淑吾民爲  
之長者宜益敦一本抔土或見侵曾禽不如何足人  
乾道三年記 宋蔡抗烏傷行之子顏氏古遺民孝  
哉一念何其仁 葬親悲號躬負土烏亦感動來填塋

群飛銜泥嘴流血到今言者爲酸辛至忱真切禽可  
格况乃孝弟人性均天下未有無父國烏傷昭揭干  
古名愛親欲養親不待承顏愛日宜兢兢我來摩挲  
墓前石悲風颯颯生松陰康侯有句表行路見者淚  
落天理明天理流行局嘗息聞風相率孝以興顧永  
感兮摧肝心土不及負空雲程 郡人魯齋王柏次  
韻維天降衷於下民暴秦莫殄心之仁孝哉顏氏一  
有感畢逋銜土成邱塋彼亦莫知其所以自甘血嘴  
合餘辛志一動氣氣動志鳳儀麟獲理亦均環百里  
地畫疆井干有餘載蒙嘉名繡衣使者迂六轡下馬  
肅拜心凌兢大書瑰辭鎮松柏便有山鬼呵崖陰明  
刑弼教期無刑何如先使教化明流傳墨本到北屋  
有人心者俱作典但願人人嘗此心安得作亂干章  
程 邑人黃潛過墓詩丹青像設始何年翁仲遺墟  
自古傳時有北人來下馬不知秦樹幾啼鷓牧童解  
指看碑路野衲分耕祭墓田回首長安西日外茂陵  
松柏正蒼煙 郡守吳炯詩人倫風化自孝始我懷  
義烏顏氏子昔從書傳聞其名今來浙東入其里未  
入里先見路碑高塚巋然雲樹裏猶有群烏繞墓飛  
或者神烏長不死脚土傷吻土亦赤烏血凝成墓山

紫今古人人皆有親負土葬者豈獨此如何感召到  
山禽須就人心推物理生前服勞情自苦亡後附身  
哀靡已天地憫憐鬼神泣無知羽族有所使父子塋  
域永相依白雲深處精靈起風吹草卉卽萊衣溪浮  
蘋藻爲甘旨千秋萬古此經過誰人眼不淚如水  
邑人吳雲亭詩道遙城北隅徘徊顏氏墓墓頂草時  
芟墓旁鬱楓樹中藏父母骸左卽身爲祔羸亂天紀  
弛斯人獨堪慕感此烏鳥情千秋輝寶婺當年延陵  
隧能使宣尼顧因知至行人不受祖龍怒我來拂穹  
碑斯須日已暮寄語往來人風規在岐路 明宏治  
間樹碑方廣四  
十丈餘見祠

漢

太師樓屹墓

縣西北二十里十四都香山  
明萬歷己未提督劉立碑

晉

東陽太守朱垣臨海太守朱况二墓

竝在雙林鄉蜀山  
里之下宋昇明元

年用望氣者言遣兵鑿山破墓其子孫招魂改葬蜀山西原赤岸街側

金威將軍朱禮墓

附厝二太守墓側並立碣坐地畝分丈數並載家譜

寧公劉萬章墓

勅葬縣南平山堂之原

朝議大夫賈尙甫墓

在廿二都黃山嚮亭石塋塚

梁

兵部侍郎樓堰墓

縣西北二十里香山萬歷間撫院立碑

唐

侍御駱賓王墓

縣東三十里上楓塘邊崇禎十三年守道萊陽宋公率知縣熊人霖重修立碑

太尉鮑祿墓

縣西二十里勅葬蓬塘之原見古志

鳳閣侍郎傅鵬墓

在金山之南文明門外二百步

宋

贈大中大夫宗舜卿墓

在六都烏石岡忠簡公父

忠簡公宗澤墓

在鎮江之京峴山歲久湮蕪郡人劉伯靜守鎮江修治其墓

廬陵楊士奇書

復立宗忠簡公墓碑卷後為政在使民知為善而已而非有以勸之民或不知為之也故尊德禮賢表孝友褒忠節皆勸民之務也宋宗忠簡公其孤忠大節所謂皦然可與日月爭光者而竟以譖憂憤死蓋天下後世所共仰慕而悼惜之者也然葬於潤無三百年已莽然荒烟塞草之墟樵牧往來行道不可此豈潤之人其心獨有異哉公嘗仕於此居於此至感慕德義吾意潤之人必有深於天下後世之人者何為獨漠然若是也非由為政者不達勸民之道雖有公之賢不知敬禮而致民之然歟今六七年前金華劉侯伯靜以監察御史出守是邦一新政教修舉百廢乃復葺公之祠及治其墳塋又經紀其祠田命佛氏之徒董祀事而躬率博士弟子展禮墓下又刻石墓道使過者皆知為宋忠臣宗公之墓於是潤之人始

義為系示

卷一

墓

四

知有忠簡公又知為善者之久而不泯而在已不可  
不勉於善也劉侯為政可謂知所務矣去年與劉侯  
同在史館為余道其事今侯去潤而佐江右大藩自  
昔江右孤忠大節如忠簡公尤多而江右之人固不  
為潤之人之漠然也將侯所以加勸之者尚能拳拳  
如治潤之時乎光祿大夫柱國少師兵部尚書楊士  
奇書

### 邠國公王彥超墓

明義鄉玉門岡皂角樹下

### 平昌刺史劉豪墓

縣南數十步東平山之原附祖劉萬章公墓有明隆慶戊辰長至裔孫尚

恭行重修墓碑掘數尺見墳臺臺上有磚方尺許刻  
晦菴卜墓數云天聖戊辰葬此邱蔭十八紀出公侯  
子子孫孫垂不替繩繩武武永無休五百四十一年  
損十六七世裔孫修戊辰戊辰新一石重修重修千  
百秋秘書郎朱熹書刻後呂祖儉為之記云右數八  
句為卜劉公之墓天聖六年十月三日卜葬東平山  
先塋之原公諱豪字有開裔出漢光武封太孫於烏  
傷國除因家縣治南遂為烏傷人逮晉寧公萬章始

爲王官歷唐曰珊者翰林學士南門劉氏非他族比  
公以文學遷平昌刺史致仕曾孫輝熿同登乾道進  
士第並遊東萊晦菴二先生門故晦菴卜其祖墓之  
廕有裔衍家昌千載之久予因識大畧而納墳臺上  
以俟後日之驗云按天聖六年戊辰至隆慶四年戊  
辰年數良是而長至又恰戊辰仍孫劉公仕龍在宋  
贈武節侯修墓孫果十  
六七世矣吁數亦奇哉

### 進士楊與及墓

在赤岸  
來塘上

### 學士宣獻公樓瑤墓

在縣南二十五都  
賜墓蜀山青龍岡

### 文清公徐僑墓

知縣諸自穀記宋寶謨閣待制徐文清  
公僑爲理宗時理學名臣退老於靖安

里尤酷愛五雲山之勝嘗養靜於此歿遂葬焉前明  
萬歷邑乘及

### 國朝

王韓諸公所修志皆載公墓在山之智度寺後今攷

五雲寺右有墓石碑具存據寺僧稱公墓本在智度

寺後因移建五雲寺於今址遂落右側但世代旣久  
改寺之年月已無可攷卽公之子姓亦祇以志書爲

張本墓之是否且未能辨矣惟公有肖像在寺之後左廂則像可移塑而墓不能改遷也塋造高二三尺而竹樹虬結疑其已古必執以寺後之志爲確似轉無可指實康熙閒公之後裔徐海等屢以是山田地爲公所助與僧訶訟歷奉臺司核斷以助田無據卒爲僧業緣公像在寺令僧供其祭祀而已茲據生員徐光起等復以墓在寺右爲僧毀移而祭久不舉從而興訟在宋時至今已四五百年滄海桑田變遷不一其子姓且不能確指祖墓在寺後何地因何而在在寺右則失守已久豈能轉責之寺僧耶特以公墓在是又復肖像寺中憲讞田屬諸寺祭責諸僧爲確不可易之案固不得久而遂廢耳因禁其田地之腴削而以租賦之餘時其祭祀且恐其名存而實亡也復斷以每歲清明冬至二節飭僧備祭派公之後裔四人赴寺與祭亦毋許多人滋擾至公墓所在則僧應加意看守永毋侵伐庶相仍弗替而文清之澤亦從此綿長矣既訊立讞并識其大畧

附諸志俾後母爭焉嘉慶壬戌二月識

戶部尙書孫夢弼墓

在二都東江橋西

開國男樓圖南墓

縣東五都東溪

孝子樓斗南墓

縣東五都西溪

孝子樓蘊墓

二十二都九里江原盤松山

大儒黃中輔墓

縣東五里金交椅周廣四十四畝七分

朝奉大夫宗嗣尹墓

與忠簡公會祖舫台墓在六都五龍塘前

都指揮朱權墓

在山盤黃巖山下

進士宗武墓

在六都五龍塘裏陳文毅公亮撰有墓誌

吉州太守朱宗儒墓

鷄鳴山之陽

進士華佐墓

六都西麻園

吏部尚書虞復墓

縣北四十里十都水勘溪西之原

吏部侍郎龔實墓

縣西五里大水阪之原

忠靖公馮友仁墓二十六都西青山荷花塘頂

中書侍郎龔應之墓十都馬

名儒葉由庚墓十二都湖

宣教郎龔明之墓湖

烏傷郡判張林墓十都姚

兵部尚書張宣墓縣北三十五

承直郎朱杞墓在蒲墟古

太常丞喻良能墓智者

承節郎何桀墓二十二都

錄事叅軍何恪墓二十二都

李千對卡南墓城西

太平主簿陳炳墓

十一都全陂

左司郎朱元龍墓

浦江縣東二十里雙溪之原

吉州通判樓大年墓

在五雲寺左鳳凰山

饒州太守樓文昌墓

在五雲寺左鳳凰山

撫州太守周勇墓

在鷄鳴山

監察御史龔愷墓

縣西五里

侍郎朱質墓

雙林鄉巖菴

學士陳渙暨叙州太守陳忠墓

並在二都鷄鳴山左宗塘山之原

進士陳林墓

縣北三里陳官山

郡馬吳廷珙墓

縣西四十里獨山

郡馬張湍墓

縣北三十五里迎祥寺

戶部尚書黃夢炎墓

縣東二里上者塘之原

安定太守童必大墓

縣南五里銅山之原

觀察推官朱幼學墓

縣西二里朱家塘

朝請大夫朱杰墓

縉雲鄉上谷巖

義士王宋黎墓

二十二都霸停橋殿基山

誥授中憲大夫宗暉墓

與兄歷合厝在六都葛公山

承義郎宗嗣旦墓

縣東北二十五里花園山下沙溪張胡嶺

從政郎宗嗣安墓

同上

進士王安詩墓

雙林鄉松蘆山

武節侯劉仕龍墓

明義鄉來峯童仙之原 馮夢得墓銘蓋開慶歲遠服荒微去天遠且地

號障海民不習戰先是十餘年有言敵狡謀他日必用出牂牁故智時宰弗是也至是果然乘障吏亡具甚相顧束手時李公會伯制置南事義烏劉侯仕龍守賓甫至繕關隘飭鬪器未幾易守廉備廉如在賓時數條上邊事時宰忌之經坐是去然二郡卒獲全侯力也景定改紀嶺海新去湯火天子思其人有詔知雷州兼理軍務統領諸將出禦身中流矢以歿歿之日軍民皆相與哭曰天胡奪我侯之速也部使以其功聞於朝封武節侯嗚呼地發殺機龍蛇起陸兮人命將泛使城郭封疆之臣修扞牧圉若寇必不得逞河朔之亂原郡獨增陴浚隍以區區一簣障江湖春秋所貴夫干城其民者然則劉侯之事可不務乎侯歿後六年其孤將奉鞋窆於其邑明義鄉來峯童仙之原介同郡王公庭來請銘余嘗受知於誠求康公植之父康公為外舅故序而銘之侯字時甫世家婆稠南門生有特操少長從戴呂諸老遊有時稱紹定己丑以舍選優登淳祐辛丑進士從戎鄂州以外憂解官免喪再入戎幕秩滿幹辦江陵府御前諸將

軍統制公事改京西路副兵馬都監邳州駐札召試  
閣職除閣門舍人請外知復州歷賓廉奉祠起知雷  
州侯始以才受知今太傅辨章魏公首以才薦居官  
所至有績其在郢也時云復襄侯實在行先士卒披  
莽鋤荒卒城襄陽其在廉也廉之民與蠻獠碁處侯  
得其歡心皆相戒毋生事洎至雷治政精審矯虔吏  
不得舞手會有羸博之戚侯念之深以至稔疾僚屬  
有勸以省事者愀然曰官有一日之閒民受無窮之  
苦先正何人哉力疾視事如平時卒不起事親孝筮  
仕戍鄂以父高年不忍一日去父親爲詩酌酒勉行  
至甫暮慨然一興念亟捧檄歸省道半聞訃號慟幾  
絕治家嚴教諸子以禮法閣門拔漕貢二子二孫同  
時以胄子舉人艷其榮與人周待族親以睦鄉鄰以  
義設藥市貸家粟聞善嚮赴里人稱爲長者閒居築  
圃嘉花靜竹泰然于于自號東麓山人云所著有青  
巖雜稿二十四卷藏於家侯之曾祖諱高隱君子也  
祖諱綬文林郎計置兩浙造船場官考諱祖尹累贈  
朝議大夫妣樓氏贈夫人娶傅氏封安人故武經大  
夫知高州諱熙之女男二人長逢務承節郎兩舉浙  
漕先侯一年卒逢辰國子免解進士女一人適故朝